

四庫全書

史部

欽定四庫全書

史部

元和郡縣志卷三十六至

詳校官編修臣曹城

檢討臣德生覆勘

總校官庶吉士臣倉聖脉

校對官中書臣王璿

謄錄進士臣王天祿

欽定四庫全書

元和郡縣志卷三十六

唐 李吉甫 撰

嶺南道

桂州

始安中都會府

開元戶三萬六千二百六十五

鄉七十二  
鄉三十五

今為桂管經略使理所

管桂州梧州賀州昭州象  
州柳州嚴州融州龔州富

州蒙州思唐州 管縣四十七  
案都管戶數傳寫缺

禹貢荊州之域漢元鼎六年置零陵郡今州即零陵郡之始安縣也吳歸命侯甘露元年于此置始安郡屬荊州晉屬廣州梁天監六年立桂州于蒼梧鬱林之境因桂江以為名大同六年移于今理隋開皇十年置總管府大業三年罷州為始安郡武德四年復為桂州總管府七年改為都督府天寶元年改為始安郡至德元年改為建陵郡

衆前各州不守叙天寶後之改郡此既叙及則當如舊唐書有乾元元年復為桂州

之文或因各州皆天寶改郡乾元復為州已標名于首專叙至德改郡名之不同終覺未竟其委

州境

東西三百八十一里  
南北一百二十八里

八到

北至上都三千七百五里  
東北至東都三千四百四十五里

東南至昭州二百三十五里  
東南水路至梧州六百三十里

東北至道州四百八十里  
南至蒙州三百五十里

西至柳州五百四十里  
西南至象州五百四十里

西北至融州四百九十里

貢賦

開元貢 銅鏡四十面  
元和貢 銀一百兩

案此桂州與後梧賀昭象柳嚴融龔富蒙諸州  
及思唐州之賦據唐六典當是紵布而傳寫舛映

管縣十

臨桂 全義 靈川 陽朔 永福 建陵

理定 慕化 永豐 荔浦

臨桂縣 上郭下

本漢始安縣屬零陵郡至德二年改為臨桂

系唐書地理志云貞

觀八年更名與此異

桂江一名灘水經縣東去縣十步楊樸平南越出零陵

下灘水即謂此也

駁樂山一名福祿山在縣東北十五里

全義縣

中下南至州一百五十里

本漢始安縣之地武德四年分置臨源縣大歷三年改為全義縣

越城嶠在縣北三里即五嶺之最西嶺也

湘水出縣東南八十里陽朔山下經零陵郡西十里陽

朔山即零陵山也

柔漢書地理志零陵郡零陵縣陽朔山湘水所出後漢書郡國志零陵陽

朔山湘水出陽海陽朔二志不同據水經湘水出零陵始安縣陽海山注云即陽朔山也足信漢時稱陽海晉

以後稱陽朔一山而先後殊名矣此云陽朔山即零陵山殆因前人有湘出零陵山語然彼以郡縣名統稱猶言零陵之山實非是山本名零陵則證合之似贊其初則觴為之舟至洞庭日

月若出入其中

故越城在縣西南五十里漢高后時遣周窳擊南越趙佗踞險為城窳不能踰嶺即此也

靈川縣

中下西南至州六十里

龍朔二年分始安縣置東臨桂江

冷山在縣西南一百里出滑石



陽朔縣

中下北至州一百四十里

本漢始安縣地隋開皇十年分置陽朔縣取陽朔山為名也皇朝因之

灘水在縣西二十里

永福縣

中下東北至州一百里

武德四年析始安縣之永福鄉置因以為名

白石水經縣東去縣七步

建陵縣

中下北至州三百四十里

本漢荔浦縣地吳孫氏置建陵縣梁武帝立為郡隋開皇十年廢郡仍為建陵縣後因之

建水出縣北建山南流經縣東

駱駝水在縣西七里

理定縣 中上東北至州三百里

隋仁壽初分始安縣置興安縣案隋書地理志大業初廢興安縣入始安其何

時復置此缺載 至德二年改為理定縣

慕化縣 中下東北至州二百二十里

武德四年析始安縣置

常安水東去縣七步

永豐縣

中下北至州二百一十里

吳甘露元年析漢荔浦縣之永豐鄉置隋開皇十年省  
入陽朔縣武德四年復置

荔浦縣

中下北至州二百四十七里

本漢舊縣因荔水為名屬蒼梧郡縣南有荔平關今廢  
吳屬始安郡隋改屬桂州武德四年于此置荔州貞觀

十二年州廢縣復屬桂州

荔江水在縣南一里

梧州 蒼梧下

開元戶一千二百九  
元和戶一千八百七十一

鄉九

古越地也秦南取百越以為桂林郡秦末趙佗自立為南越王其地復屬焉漢元鼎六年平呂嘉又以其地為蒼梧郡之廣信縣領縣十自漢至陳為郡不改隋開皇十年罷郡為蒼梧縣屬靜州大業三年罷靜州復為蒼

梧郡武德五年于郡置梧州

州境

東西一百一十里  
南北三百八十里

八到

西北至上都取桂州路四千三百三十五里  
北至東都四千一百五里

東南沿流至封州五十里

正南微西至義州三百里

西南沿流至藤州一百里

西北至桂州六百三十里

西北泝流至富州三百二十里

貢賦

開元貢 白石英二十兩

管縣三

蒼梧 戎城 孟陵

蒼梧縣

下郭上

本漢蒼梧郡廣信縣地也自漢迄陳不改隋開皇十年  
罷郡于此立蒼梧縣皇朝因之

通星山在縣北六十二里漢劉曜為太守嘗登此山仰  
觀星歷因號通星山

鬱水南去縣八里

戎城縣

下東北至州二十里

本漢廣信縣地梁于此置遂城隋開皇十年虞慶則南

征屯兵于此改為戎城縣

案遂城戎城之城隋書地理志並作成

皇朝因

之縣北臨西江水

孟陵縣

下南至州水路九十里

本漢舊縣也屬蒼梧郡

案孟陵前後漢書並作猛陵

隋省武德四年

重置屬藤州貞觀八年改屬梧州

賀州

臨賀下

開元戶二千五百三十七  
元和戶四百四十九

鄉十  
鄉十

漢蒼梧郡地今州即蒼梧郡之臨賀縣也吳黃武五年  
割蒼梧置臨賀郡賀水出州東北界西流又注臨水郡  
對臨賀二水故取名焉吳屬荊州晉屬廣州隋開皇元  
年以郡為賀州大業二年廢州以縣屬蒼梧郡武德五  
年復置賀州

州境

東西三百七十里  
南北四百一十里

八到

西北至上都三千八百五十里  
北至東都三千五百九十五里

東至連州二百七十里  
南至封州三百六十里



西至昭州三百里  
西南至富州三百一十里  
西南至梧州四百一十里

貢賦

開元貢  
元和貢

蕉布 石斛  
銀三十兩

竹布  
千金藤

蚌蛇膽  
班弓彈弓面

管縣六

臨賀 封陽 馮乘 桂嶺 蕩山 富州

臨賀縣

下郭下

本漢舊縣也自漢至陳不改隋大業二年省臨賀縣入  
富川縣十二年重置屬蒼梧郡武德四年改屬賀州縣

北四十里有大山山有東遊龍中二冶百姓採沙燒錫以取利焉

臨水東去縣十步又有賀水合更名臨賀水

封陽縣

下北至州一百四十五里

本漢舊縣屬蒼梧郡在封水之陽故名吳屬臨賀郡隋屬桂州武德四年屬賀州

長林山在縣東五里

臨賀水東去縣百步

馮秉縣

下東南至州一百八十里

本漢舊縣屬蒼梧郡界內有馮溪因以為名吳屬臨賀郡至隋不改大業三年改屬零陵郡武德四年屬賀州萌渚嶠在縣北一百三十里即五嶺之第四嶺也按今縣與道州江華縣分界于此嶠之上

錫冶三

桂嶺縣

下西南至州八十二里

本漢臨賀縣之地吳分置建興縣屬臨賀郡晉改為興

安縣隋開皇十八年改為桂嶺縣屬連州因界內桂嶺  
為名武德四年改屬賀州

桂嶺在縣東十五里

程岡在縣東南一百二十里

朝岡在縣東北四十五里並有鐵鈞自隋至今採取

蕩山縣 下東至州一百七十二里

蕭梁于此立縣隋大業二年省武德四年復置

梁唐書  
地理志

天寶後置  
與此異

蕩山在縣西七里

富川縣

下東南至州一百四十五里

本漢舊縣屬蒼梧郡吳屬臨賀郡隋屬桂州武德四年  
改屬賀州

鍾乳穴三

靈溪水今名富水去縣西二里

昭州 平樂下

開元 戶七千三

元和 戶一千五百七十八

鄉十二  
鄉七

本漢蒼梧郡之富川縣地也吳甘露元年分富川縣置平樂縣屬始安郡至隋不改武德四年于縣置樂州貞

觀八年改樂州為昭州取境內昭潭為名

案昭潭舊唐書作昭岡潭

州境

東西一百七十三里  
南北二百三十七里

八到

西北至上都三千九百三十五里  
北至東都三千六百七十五里

東至賀州三百里

東南水路至富州一百六十里

東北過嶺至道州四百里

西北至桂州二百里水路三百里

北過嶺至永州六百里

貢賦

開元貢  
元和貢

銀三十兩  
銀二十兩

管縣三

平樂 恭城 永平

平樂縣

下郭下

本漢富川縣地吳于此置平樂縣取平樂溪為名

梁唐書地

理志武德四年析置  
沙亭縣貞觀七年省

目巖山在縣北三十八里巖有兩孔相對如人目瞳子

白黑分明因號為目巖

紫山在縣南十里山有木客

縣東三十一里有陽里穴那溪穴新穴皆出鍾乳

平樂溪在縣南三里水之西岸有昭潭周迴一里其深  
不測

恭城縣

下西南至州九十里

武德四年析平樂縣置

銀殿山其下有鍾乳穴十二所在縣東二十八里

平樂水西去縣二百步



永平縣

下西南至州九十里

證聖元年割平樂縣永平鄉置因鄉為名縣南臨永平

水西流入平樂縣界

象州

象郡下

開元戶三千二百九十  
元和戶二百三十二

鄉十  
案鄉數傳寫缺

漢平南越置鬱林郡今州即鬱林郡中留潭中二縣地

也

案中留後漢書郡國志宋書州郡志並作中滄惟前  
漢書作中留而顏師古注曰留音力救反水名則音

義實 隋開皇十一年廢二縣以潭中縣為桂林縣仍于

桂林置象州大業二年廢象州以桂林縣屬桂州武德  
四年平蕭銑析桂林立武德縣仍于縣治重置象州取  
界內象山為名

州境

案州境里  
數傳寫缺

八到

北至上都四千二百二十五里  
東北至東都三千九百六十五里

東至康州陸路一百九十里

東南至潯州二百一十里

西至柳州一百六十里

西南至嚴州二百八十里

貢賦

開元貢銀二十兩

管縣三

陽壽 武仙 武化

陽壽縣

下郭下

本漢中留縣之地也隋開皇十一年廢中留縣入桂林縣又析桂林置陽壽縣屬象州

象山在縣西北三里

陽水南去縣二十步

武仙縣

下西北至州一百二十里

武德四年析桂州建陵縣南置

武化縣

下西南至州六十五里

武德四年析桂州建陵縣之南界置屬晏州貞觀十二年廢晏州改屬象州

柳州

龍城下

開元戶一千二百七十四  
元和戶一千二百八十七

鄉十四  
鄉九

本漢鬱林郡潭中縣之地迄陳不改隋開皇十一年改潭中為桂林縣仍析桂林為馬平縣屬象州隋末陷賊

武德四年平蕭銑于此置昆州又改為南昆州貞觀八年改為柳州因柳江為名

州境

案州境里數傳寫缺

八到

北至上都四千二百四十五里  
東北至東都四千一百四十里

東至桂州五百四十里

東至象州一百六十里

北至融州陸路一百二十三里水路三百八十里

貢賦

開元貢銀二十兩

管縣五

馬平 龍城 洛容 洛封 象

馬平縣 下郭下

隋開皇十一年析桂林縣置屬象州貞觀屬柳州

潭水東去縣二百步

柳江在縣南三十步

龍城縣 下東南至州八十八里

隋開皇十年析桂林縣置

案隋書地理志云梁置與此異

潭水在縣西十里

龍溪水經縣南入潭水

洛容縣

下東南至州一百二十里

永徽中置屬嚴州天授二年割屬柳州

洛封縣

下東南至州一百七十里

本烏蠻所住村名乾封二年招慰蠻戶因為縣

象縣

下西南至州六十五里

陳于今縣南四十五里置象郡隋開皇九年廢郡為縣

采舊唐書云貞觀中置與此異龍朔三年為賊所蕪乾封二年復置總

章元年割屬柳州

嚴州 循德下

開元戶一千六百六十  
元和戶一千一十六  
鄉十四  
鄉四

本漢鬱林郡中留縣之地乾封二年于廢昆州樂沙縣  
置嚴州仍改樂沙縣為懷義縣州城南枕大江當桂州  
往邕州之路在嚴岡之上因為名

州境

東西一千四百四十一里  
南北三百八十二里

八到

北至上都四千四百五十里  
東北至東都四千一百二十五里



南至澄州二百二十六里  
西南至賓州一百九十里  
東北至柳州陸路二百里

貢賦

開元貢銀

管縣二

循德 來賓

循德縣

下郭下

武德四年析桂林立陽德縣其年又改名循德縣

案舊唐書

云改歸德為修德與此陽德循德並有異本屬柳州永徽初割入嚴州仍為

州理

案永徽在乾封前州為乾封二年置則縣之為州理必非永徽初此蓋有訛脫字句

古郎山在縣西四十里

都泥江南去州一里

來賓縣

下東至州二百里

本樂沙縣也乾封二年為懷義縣天寶二年改曰來賓在都泥北來賓水東故以為名

融州

融水下

開元戶一千七百七  
元和戶二百四十二

鄉七  
鄉五

本漢鬱林郡潭中縣地也自漢迄宋不改蕭齊于此置齊熙郡梁大同中又于郡置東寧州隋開皇十一年改為融州廢齊熙郡為義熙縣大業二年州廢武德四年平蕭銑于義熙縣復置融州因州界內融山為名

州境

東西四百四十七里  
南北四百九十七里

八到

北至上都四千一百九十五里  
東北至東都三千九百三十五里

東至桂州四百九十五里  
南至柳州水路三百八十里陸路二百三十里

貢賦

開元貢 黃藤 防風  
元和貢 金二兩 桂二十五斤

管縣二

融水 武陽

融水縣

下郭下

隋開皇十一年改齊熙郡為義熙縣屬融州武德六年  
改為融水

銅鼓山在縣西南二十五里

融溪水在縣北五十二里

武陽縣

下東北至州八十里

隋開皇十一年析義熙縣置臨祥縣永徽元年廢入融

水龍朔二年重置改為武陽

案唐書地理志天寶初併黃水臨祥二縣更置與此

異

武陽溪水在縣東十里

冀州

臨江下

開元戶二千四百二十  
元和戶二百七十六

鄉十五  
鄉十五

古越地也漢平南越置蒼梧郡今州即蒼梧郡猛陵縣  
之地晉分猛陵置永平郡又為永平郡之武林縣地也

貞觀三年于此置鶯州七年移鶯州于今州東六十五里于鶯州舊理置龔州都督府因龔江以為名也

州境

系州境里數傳寫缺

八到

西北至上都取梧桂路四千五百七十五里北至東都四千三百一十五里

東至藤州一百四十里

南至緜州一百七十四里

西南至潯州泝流一百三十里

北至象州三百一十里

正北微東至蒙州二百三十里

貢賦

開元貢銀二十兩

管縣五

平南 武林 隋建 大同 陽川

平南縣 下郭下

本漢猛陵縣地貞觀七年于此置平南縣屬龔州

鷲石山在縣東南十里

龔江一名浚江亦名都泥江在縣南五十步

武林縣 下西北至州二十五里

本漢猛陵縣地宋元嘉二年置武林縣屬永平郡隋屬

藤州貞觀七年割屬龔州

潯江東南去縣十五里

隋建縣

下西至州八十里

隋開皇十九年分武林縣置屬藤州貞觀七年割屬龔

州

盧越水在縣東南一百一十步

大同縣

下南至州七十五里

本漢鬱林郡布山縣之地也貞觀七年于此置大同縣



屬龔州

花憐水在縣東北二十步

陽川縣

下東南至州四十里

本漢布山縣地貞觀七年于此置西平縣屬龔州天寶元年改為陽川

仙人山在縣東北三十里

得江南去縣三十五里

富州

開江下

開元戶一千三百一十六  
元和戶二百四十二

鄉四

禹貢荊州之域漢平南越置蒼梧郡今州即漢蒼梧郡  
之臨賀縣地也梁武帝分臨賀郡置南靜郡隋開皇中  
廢武德五年重置靜州貞觀八年改為富州因富川水  
為名也

州境

東西一百七十六里  
南北一百八十里

八到

西北至上都四千九百五里  
北至東都三千八百三十五里

東南沿流至梧州三百二十里  
東北至賀州三百一十里

西至蒙州九十里  
西北至昭州一百六十里

貢賦

開元貢 斑布五疋 銀

管縣三

龍平 開江 思勤

龍平縣

下郭下

本漢臨賀縣地也梁于此立南靜郡隋開皇十一年廢以龍平縣屬桂州貞觀八年改置富州縣割屬焉

灘水東去縣二十一步

富川水經縣南又東入灘水

開江縣

下北至州一百里

本漢猛陵縣地梁于此置開江郡隋開皇十年罷郡為縣以屬靜州大業二年廢武德五年復置屬梧州神龍元年割屬富州

桂江在縣西二里

思勤縣

下南至州一百四十里

聖歷元年分龍平縣置

系唐書地理志天寶後置與此異

二年于縣置

武安州開元二年廢以縣屬富州

富川水在縣東五十步南流

印岡山在縣北四十五里

蒙州 蒙山下

開元戶一千六百三十七  
元和戶二百七十二

鄉七

本漢蒼梧郡地今州即漢蒼梧郡之荔浦縣也隋開皇十年分置隋化縣屬桂州武德五年于此置南恭州貞觀八年改為蒙州因蒙水以為名

州境

桑州境里  
數傳寫映

八到

北至上都四千五十二里  
東北至東都三千七百九十二里

東至富州九十里

南至龔州三百五十里

西南至象州三百五十里

西北至荔浦縣八十里

北至桂州三百四十七里

貢賦

開元貢 麩金

管縣三

立山 正義 東區

立山縣

下郭下

本開皇十年分荔浦置隋化縣屬桂州武德五年置立山縣屬荔州改屬蒙州

蒙水舊名涇水在縣北二里

正義縣

下東南至州三百里

武德五年分荔浦縣置屬荔州改屬蒙州

蒙水在縣南四里

乳穴二

東區縣

下西北至州八十里

武德五年分荔浦縣置

涇水西北去縣三十五里

葛戎鎮在縣城內

思唐州 武郎下

元和戶六十一 鄉二  
案開元戶鄉數傳寫缺

永崇二年

案永崇即永隆唐高宗年號  
後因避明皇諱改隆為崇

前桂州司馬夏

侯處廉奏割龔蒙象三州置開元二十四年奏為羈縻



州建中元年升為正州額

州境案州境里數傳寫缺

八到

北至上都四千二百一十里  
東北至東都三千九百五十里

東至富州三百五十里  
南至龔州一百四十里

西至象州一百八十里  
北至蒙州一百六十里

貢賦開元貢銀一十兩

管縣二

武郎 平原

武郎縣 下郭下

與州同時置前臨馳禮江

唐嶺在縣西南四十里與平原分界

平原縣 下東北至州八十里

與州同時置前臨思洪江

元和郡縣志卷三十六

欽定四庫全書

元和郡縣志卷三十七

唐 李吉甫 撰

嶺南道 三

邕州 朗寧下都督府

開元戶一千六百二十四 鄉十一  
衆元和戶鄉數傳寫缺

今為邕管經略使理所  
管邕州 貴州 賓州 潯州 橫州 欽州 潯州 巒州 管縣

三十三

衆都督戶數傳寫缺

古越地也秦併南越為桂林縣地在漢為鬱林郡之領  
方縣地也晉于此置晉興郡隋開皇十四年廢晉興郡  
為晉興縣屬簡州大業三年州廢以縣屬鬱林郡武德  
四年于此置南晉州貞觀六年改為邕州因州西南邕  
溪水為名乾封二年置都督府後為夷獠所陷移府于  
貴州景雲二年州界平定復于邕州置都督府

州境

系州境里  
數傳寫缺

八到

北至上都取象州路四千七百七十五里取藤州  
路五千四十五里

北至東都四千五百八十五里  
東至欽州三百三十里

東北至澄州二百四十里  
西南至讓州二百八十里

西南至安南一千里

貢賦 案唐六典邕州貢銀  
賦紵布此並缺載

管縣七

宣化 武緣 晉興 朗寧 思籠 封陵

如和

宣化縣 下郭下

本漢領方縣地隋開皇十四年于此置晉興縣十八年

改為宣化縣屬鬱林郡武德屬南晉州貞觀改邕州

鬱江水經縣南去縣二十步

左溪右溪在縣東西流至縣東南同注鬱江

武緣縣

中西至州一百里

本漢領方縣地隋開皇十一年于此置武緣縣屬綠州

大業三年廢武德五年又置

案武緣晉興置屬南晉州後改邕州此並缺叙

鬱江水經縣南去縣三十步

都稜鎮在縣西水路一百里

晉興縣

中下南至州一百里

本漢領方縣地晉于此置晉興縣隋開皇十四年省

案前

邕州及宣化縣叙謂隋廢晉興郡為縣又謂隋置晉興縣而此云晉置隋省者攷宋書州郡志晉元帝太興元年分鬱林立晉興太守所領有晉興縣蓋至隋而廢郡及縣別置晉興縣于百里南後改宣化參合乃明武

德五年又置

朗寧縣

中下南至州一百八十里

本漢增食縣地武德五年分置朗寧縣屬南晉州改屬

邕州

案唐書地理志武緣晉興朗寧並武德五年以宣化縣析置此不備叙蓋省文

思籠縣

中下東至州三百里

封陵縣

中下西南至州一百里

右二縣並景雲後置

案唐書地理志思籠封陵並乾元後開山峒置與此異

如和縣

中下東北至州九十里

本漢合浦縣之地武德五年析欽州南賓安京二縣地置如和縣因縣西南四十里如和山為名屬欽州景雲二年割屬邕州



貴州 懷澤下

開元戶三千六百二十九 鄉十九  
案元和戶鄉數傳寫缺

本西甌駱越之地秦并天下置桂林郡尉佗王越改桂林為鬱州後又為桂林元鼎六年平南夷改桂林為鬱林郡梁時于郡置南定州隋開皇十年罷鬱林等郡改為南尹州大業二年改尹州為鬱州三年罷州為鬱林郡隋末陷賊武德四年平蕭銑于郡置南尹州並置總管府八年改南尹州為貴州

州境

東西一百三十七里  
南北二百一十七里

八到

北至上都取梧桂州路四千八百七十五里取象  
州路四千五百八里

東北至東都四千六百三十五里取象州路四千  
三百二十五里

東北沿流至涿州一百一十五里陸路一百四十  
里

東至繡州一百里  
南至鬱林州一百四十里

西至賓州二百二十五里  
西南沿流至橫州一百七十里

北至象州三百一十里

貢賦

開元貢紵布  
案此貴州與後實澄橫欽諸州之賦並傳寫缺

管縣四

鬱林 懷澤 義山 潮水

鬱林縣 上郭下

本漢廣鬱縣也吳改為陰平晉改為鬱平隋開皇十年  
于此置鬱林縣屬鬱林郡武德屬貴州

顯朝岡在縣北二十里陸績為太守每登此岡制渾天

圖

鬱江水南去縣十五步

石井亦名司命井在縣北二里竭則人疾疫歲不登

懷澤縣 下北至州一百里

本漢廣鬱縣地武德四年置

義山縣 下東北至州八十里

本漢廣鬱縣地隋開皇十年置馬度縣因縣南三十里  
馬度山為名武德四年改為馬嶺天寶元年改為義山

案唐書地理志云貞觀後省天寶後更置曰義山與此略異

潮水縣 下東至州五十里

本漢廣鬱縣地武德四年分置潮水縣

浮溪水在縣南十三步

賓州 嶺方下

開元戶一千八百九十五 鄉十一  
系元和戶鄉數傳寫缺

古越地也今州即漢鬱林郡之領方縣也至隋不改隋  
亂陷賊貞觀五年析澄州三縣于此置賓州

州境 東西一百三十二里  
南北六十三里

八到 北至上都四千五百九十五里  
東北至東都四千三百三十五里

東至貴州二百二十五里  
東北至嚴州一百九十里

西南至邕州二百四十五里  
西北至澄州八十八里

貢賦

開元貢銀筒布蕉布

管縣三

嶺方 琅琊 保城

嶺方縣 下郭下

本漢舊縣也吳改為臨浦縣隋復為嶺方屬鬱林郡武  
德四年屬南方州貞觀五年改屬賓州

都婁水去縣二十三里

琅瑯縣

下西北至州二十五里

武德四年析嶺方縣置屬南方州貞觀五年割屬賓州  
琅瑯水在縣西一里

保城縣

下西至州五十里

本漢廣鬱縣地屬鬱林郡梁置安成郡隋改縣屬鬱林  
郡貞觀割入賓州至德二年改名保城

可零水出縣西平地北流

澄州 賀水下

開元戶二千一百六十五 鄉十二  
案元和戶鄉數傳寫缺

古越地也今州即漢鬱林郡之領方縣地也漢領方縣

今賓州嶺方縣也

案漢晉宋隋志皆作領方至杜佑通  
典新舊唐書乃作嶺方當是貞觀後

改書自漢迄隋其地不改隋亂陷賊武德四年平蕭銑于

此置南方州貞觀八年改為澄州

州境

東西三百五十三里  
南北三百三里

八到

北至上都四千六百三十五里  
東北至東都四千三百七十五里



東至貴州三百四十一里  
南至賓州八十八里

西至邕州三百三十九里  
北至嚴州三百三十里

貢賦 開元貢 銀

管縣四

上林 無虞 止戈 賀水

上林縣 下郭下

本漢領方縣地武德四年分置上林縣在上林洞口因  
以為名

都澧水在縣北一百步

無虞縣

下西南至州三十六里

武德四年析領方縣置屬南方州後改屬澄州

羅富山在縣西北五里

都澧水在縣北一里

止戈縣

下東至州八十里

武德四年析領方縣置屬南方州改屬澄州

賀江水一名都泥江在縣北一百九十里

賀水縣

中西南至州一百六十里

武德四年析柳州馬平縣置屬南方州改屬澄州

都泥江在縣北一百四十里

橫州 寧浦下

開元戶一千三百七十八  
案元和戶鄉數傳寫缺

鄉十七

古越地趙佗王越地亦屬之漢平南越置合浦郡今州  
即漢合浦郡之高涼縣地也在今高州界晉于合浦北  
部置寧浦郡隋開皇十年廢為縣以屬簡州十八年改

簡州為緣州大業二年廢州入鬱林郡隋末陷賊武德  
四年平蕭銑重置南簡州貞觀八年改為橫州至德移  
于舊州東七里鬱江北岸

州境

東西一百三十二里  
南北二百一十一里

八到

北至上都取貴象州路四千七百五十五里取藤  
州水路四千一百七十五里

東北至東都四千三百九十五里  
東北至貴州水路一百七十五里

西南至欽州水陸相兼三百一十一里

貢賦

開元貢銀

管縣四

寧浦 樂山 淳風 嶺山

寧浦縣 下郭下

本漢高涼縣地 案舊唐書云漢廣鬱縣地與此異 吳分為寧浦縣隋開

皇時屬鬱林郡貞觀屬橫州

鬱江水俗名蠻江北去縣十步

樂山縣 下西至州水路一百二十里

本漢鬱林郡雍雞縣地陳于此置樂陽郡隋開皇十年

廢郡改為樂山縣屬緣州大業初改屬鬱林郡貞觀八年改屬橫州

蠻江南去縣七步

淳風縣

下西南至州九十里

武德四年析寧浦縣之北界置

鱈江水經縣西去縣百步

嶺山縣

下東至州一百里

本漢高涼縣之地梁于此置嶺山郡隋開皇十年廢郡

為縣屬鬱林郡武德四年改屬橫州

蠻江北去縣五步

欽州 寧越下

開元戶二千二百八十  
案元和戶鄉數傳寫缺 鄉十二

古越地非九州之域尉佗王越亦屬焉漢平南越置合浦郡今州即合浦郡之合浦縣地也按合浦在廉州界宋分合浦置宋壽郡梁武帝于今欽江縣南三里置安州隋開皇十八年改安州為欽州取欽江為名也大業

三年改為寧越郡武德四年平蕭銑改為州仍為都督  
府貞觀元年罷都督府復為州

州境

東西六百七十三里  
南北四百四十四里

八到

北至上都五千五百五里  
東北至東都四千八百五里

東至廉州三百三十三里

東北至橫州三百十里

西南至陸州七百四十里

貢賦

開元貢銀金

管縣五



欽江 安京 遵化 內亭 靈川

欽江縣

下郭下

本漢合浦縣之地宋于此置宋壽郡隋開皇十九年罷郡為欽江縣州皇朝因之

豐子嶺在縣北一百二十里

欽江在縣東二百步

西零戍在縣南三里

安京縣

下西北至州七十里

梁武帝分宋壽郡于此置安京郡隋開皇十年廢郡為縣屬欽州皇朝因之

羅浮山在縣北十里俗傳似循州羅浮山因名之

遵化縣

下西南至州一百八十里

隋開皇二十年置本合浦縣地也

欽江水源出縣東北閣博山

內亭縣

下東南至州一百里

本漢合浦縣地隋開皇十七年置名新化縣十八年改

名內亭屬欽州皇朝因之內亭水為名

宋唐書地理志武德五年

以內亭遵化二縣置南亭州貞觀二年州廢仍屬欽州

靈川縣

下南至州九十六里水路一百二十里

隋開皇十八年于州北四十八里置南賓縣貞觀十年移于峰子嶺南天寶元年改為靈川縣今南四十里謂之水步即是欽州北來人泝流捨舟登陸處

潯州 潯江下

開元戶一千七百一十六 鄉五  
案元和戶鄉數傳寫缺

本漢合浦郡地貞觀七年分置潯州取北潯江為名十二年廢入龔州長壽元年又割龔州桂平皇化大賓三

縣重置潯州

州境

案州境里數傳寫缺

八到

北至上都四千六百九十五里  
東北至東都四千一百七十五里

東北沿流至龔州一百二十里  
南至繡州八十里

西南沂流至貴州二百里陸行一百里  
西北至象州陸路二百一十里

貢賦

案杜佑通典潯州貢銀二十兩此與賦並缺載

管縣三

桂平 皇化 大賓

桂平縣

下郭下

本梁于此置桂平郡隋開皇十年罷郡為縣屬鬱林郡  
貞觀七年于縣置潯州十二年廢以縣隸龔州後復置  
縣又屬焉

皇化縣

下西至州三十里

隋開皇十一年置因縣東一里皇化水為名大業二年

廢貞觀七年復立

大賓縣

下西至州四十里

隋開皇十五年分桂平縣置以縣西北賓水為名武德七年曾于縣置潯州後移于桂平縣

巒州

永定下  
案開元元和戶鄉數並傳寫缺

本漢領方縣地貞觀末永徽初置後以蠻獠背叛廢于

其城置驛開元十五年李商隱重奏置

案唐書地理志  
武德四年置淳

州天寶元年改為永定郡乾元元年復為  
淳州永貞元年改為巒州與此詳略互異

州境

案州境里數傳寫缺

八到

北至上都取橫象州路四千八百五十五里  
東北至東都四千六百三十五里

西泝流至邕州一百五十里  
東沿流至橫州一百三十里

北至澄州抵大山無路

貢賦

案唐書地理志鬱州貢金銀此與賦並缺載

管縣三

永定 武羅 靈竹

永定縣

下郭下

武羅縣

下北至州九十里

靈竹縣

西至州九十里

右三縣竝與州同置

元和郡縣志卷三十七



欽定四庫全書

元和郡縣志卷三十八

唐 李吉甫 撰

嶺南道

四 系唐書地理志嶺南道七十三州內  
有藤州即感義郡其縣曰鐔津感義義昌

寧風有巖州即常樂郡其縣曰常樂恩封高城石

巖有宜州即龍水郡其縣曰龍水崖山東屬天河

有瀘州即臨潭郡其縣曰瀘江波零鵠山弘遠有

龍州即扶南郡其縣曰武勤武禮羅龍扶南龍額

武觀武江有田州即橫山郡其縣曰都救惠佳武

龍橫山如賴有環州即整平郡其縣曰正平福零

龍源饒勉思思武石歌良都蒙有古州即樂興郡

其縣曰樂山古書樂興有容州即普寧郡其縣曰

普寧北流陵城渭龍欣道陸川有寧州即定川郡  
其縣曰南流定川宕川有白州即南昌郡其縣曰  
博白建寧周羅南昌有順州即順義郡其縣曰龍  
化溫水南河龍豪有繡州即常林郡其縣曰常林  
阿林羅繡有鬱林州即鬱林郡其縣曰鬱平興業  
興德潭粟有黨州即寧仁郡其縣曰撫文善勞善  
文寧仁容山懷義福陽古符有賓州即懷德郡其  
縣曰信義懷德潭義特亮有禺州即溫水郡其縣  
曰義石羅辯扶萊宕昌有廉州即合浦郡其縣曰  
合浦封山蔡龍大廉有義州即連城郡其縣曰岑  
溪永業連城有湯州即湯泉郡其縣曰湯泉淥水  
羅韶有芝州即忻城郡其縣曰忻城富川平西樂  
尤樂豔多雲思龍有武義州即武義郡其縣曰武  
義如馬武義武夷武綠武勞梁山此二十二州分  
領百有三縣舊唐書或隸南海節度使或列挂管  
或列邕管或列容管或列安南都督府後新唐書

則皆隸之嶺南採訪使在元和時  
未嘗有所併省今志文址缺佚

### 交州 交趾上都護府

開元戶二萬五千六百九十四 鄉五十五  
元和戶二萬七千一百三十五 鄉五十六

今為安南都護府理所 管交州 愛州 驩州 峯州 陸  
州 演州 長州 郡州 諒州 武

安州 唐 林州 武定州 貢州 演州 以上朝貢長州  
以下附貢 管縣三十九 羈縻州三十二

案都管戶數傳寫缺

古越地也秦始皇平百越以為桂林象郡今州即秦象  
郡地也趙佗王南越地又屬焉元鼎六年平呂嘉遂定

越地以為南海蒼梧鬱林合浦交趾九真日南珠崖儋耳九郡元封五年置刺史以部之名曰交趾者交以南諸夷其足大趾廣兩足並立則交焉漢本定為交趾刺史不稱州以別于十二州建安八年張津為刺史士燮為太守共表請立為州自此始稱交州焉吳黃武五年分交趾日南九真合浦四郡為交州南海鬱林蒼梧三郡為廣州尋省廣州還併交州以番禺為交州理所後又徙于交趾晉太康中徙理龍編隋開皇十年罷交趾

郡為玉州仁壽四年置總管府大業三年罷州復為交趾郡武德四年又改為交州總管府永徽二年改為安南都護府兼置節度至德二年改為鎮南都護府大歷三年罷節度置經略使仍改鎮南為安南都護府貞元六年又加招討處置使

府境

東西五百一十六里  
南北七百九十一里

八到

北至上都六千四十五里水路六千六百四十里  
北至東都五千七百八十五里水路六千三百八

十里

東至大海水路約四百里

東北至陸州水路百餘里  
西南至愛州五百里水路七百里

西北至峯州一百三十里  
西北至姚州水路相兼未有里數

貢賦

開元貢  
孔雀 鸚鵡 犀角 蕉布 檀柳  
蝟蛇 膽 龍花藥 鮫魚皮 白露蘇

元和貢 翠毛 翡毛 苴菴  
案交州及愛驪峯陸演諸州之賦據唐六典亦是

紆布而是書惟載愛州  
賦綿餘皆傳寫缺之

管縣八

宋平 武平 平道 太平 南定 朱鳶

交趾 龍編

宋平縣

上郭下

本漢日南郡西卷縣地宋分立宋平縣屬九德郡後改為宋平郡隋開皇十年改屬交州武德四年于此置宋州貞觀元年廢宋州改屬交州

慈廣水經縣南二里

蘇晉江南去縣二百步

安陽王故城在縣東北三十一里蓋昔交州之地

羸樓

音蓮樓

故城在縣西七十五里本漢縣屬交州郡有

樓官後漢交趾刺史理于此後徙龍編

武平縣

中下西南至府九十里

本扶嚴夷城地也吳歸命侯建衡三年破扶嚴夷置武平郡隋開皇十年廢郡立崇平縣屬交州武德四年改名武平

平道縣

中下西北至府五十里

本扶嚴夷地吳時開為武平郡立平道縣屬之隋開皇十年廢縣屬交州



仙山縣東北十三里隱嶙數百里則龍編之西門也

太平縣

中下西南至府六十里

本扶嚴夷地隋開皇十年分武平置隆平縣開元元年改名太平

南定縣

中下東北至府六十里

本漢羸樓縣地貞元七年于此置南定縣其舊南定縣在今縣東南二百餘里羈縻長州側近開元十年後廢

朱鳶縣

上東南至府五里

本漢舊縣也屬交趾郡至隋不改武德四年于此置焉  
州貞觀九年廢縣屬交州

朱鳶江北去縣一里後漢馬援南征鑄銅船于此揚排  
燃火炙船頭令赤以焦涌浪及殺巨鱗橫海之類

交趾縣

中下東南至府一十五里

本漢龍編縣地隋開皇十年分置交趾縣武德四年于  
此置慈州貞觀元年州廢縣屬交州

泊江水西北自崇平縣界流入至此故名

慈廉水北去縣四十步

龍編縣

中下西北至府四十五里

本漢縣也屬交趾郡立縣之始蛟龍盤編于江津之間因以為瑞而名縣也武德四年于此置龍州貞觀元年州廢縣屬交州

朱鳶江在縣北即楛榆水之一源也

案水經葉榆水過交趾卷泠縣北分

為五水絡交趾郡中至南界復合為三水東入海此所云楛榆當即是葉榆

盧循之寇交州

也刺史杜慧度率軍水步晨出南津以火箭攻之燒其

船艦一時潰散循亦中矢赴水而死

交州故城在縣東十四里吳時刺史陶橫所築

石九子母祠在縣東十四里

愛州 九真下

開元戶一萬四千五十六  
元和戶五千三百七十九 鄉二十九

鄉八

秦象郡地也漢元鼎六年平南越置九真郡領胥浦居

風都龐

音龍

餘發咸驩無切無編七縣屬交趾刺史

衆無切後

漢書作無功據漢書地理志  
及水經注並作無切與此同 梁武帝于郡理置愛州隋

大業三年改愛為九真郡武德五年丘和歸國罷郡復為愛州

州境

東西二百八十二里  
南北四百一十里

八到

北至上都六千四百七十五里  
北至東都六千二百一十五里

東至濱州一百四十里  
東北至交州五百里

南至濱州二百五十里  
東北至長州水行四百五十里

西至小獠界水行一百九十里  
西北至獠柵二百里

西北至安南都護府五百里水路七百里

貢賦

開元貢

賦

孔雀毛

元和貢

孔雀尾十具  
檳榔五百顆

翡翠尾一百枚  
犀角二十斤

管縣五

九真 安順 宗平 日南 軍寧

九真縣

下郭下

本漢居風縣地也吳改居風為移風隋開皇十七年分移風置縣屬愛州後漢任延為九真太守舊俗以獵射為業不知牛耕人常告糴交趾每至困乏延乃令作田

器教之壑闢百姓充給

居風山在縣西四里上有風穴長風自是出焉其山出

金

珍山在縣西三里

安鎮山在縣南三十一里出石磬勝于湘州零陵者

安順縣 下西北至州九里

本漢居風縣地吳改為移風又分置常樂縣屬九真郡  
隋開皇十年改屬愛州十六年改為安順縣皇朝因之

浮岳山在縣西五里

崇平縣

下北至州三十里

本漢居風縣地晉于此立為高安縣屬九真郡隋開皇十年改屬愛州十八年改高安為隆安開元元年改為崇安至德二年又改為崇平

日南縣

下北至州三十里

本漢居風縣地晉分置津梧縣隋開皇十年析置日南縣屬愛州皇朝因之



鑿山在縣北一百三十里昔馬援征林邑阻風波乃鑿此山彎為通道因以為名

海在縣東七里

軍寧縣

下東南至州二十里

本漢都龐縣也晉分立軍安縣屬九真郡隋開皇十年改屬愛州至德二年改名軍寧

驩州

日南下府

開元戶六千六百四十九  
元和戶三千八百四十二

鄉十四  
鄉六

古越地九夷之國越裳氏重九譯者也在秦為象郡漢  
平南越又置九真吳歸命侯天紀二年分九州之咸驩  
縣置九德縣屬交州梁武帝于此置德州隋開皇十八  
年改為驩州取咸驩縣為名也大業三年改為日南郡  
武德五年改為南德州仍置總管府貞觀元年改為驩  
州兼管羈縻州六

州境

案州境里  
數傳寫缺

八到

北至上都六千八百七十五里  
東北至東都六千六百一十五里

東至海一百里  
南至林邑國界一百九十里  
北至濱州一百五十里

貢賦

開元貢

象牙  
黃屑

沈香

翠毛

犀角

金薄

管縣二

九德 越裳

九德縣

下西至州五里

本吳所立屬九德郡後改屬驩州

越裳縣

下西至州七十里

本吳所置因越裳國以為名也屬九德郡武德初屬智州後屬驩州

峯州 承化下

開元戶三千五百六十一  
元和戶一千四百八十二

鄉十五  
鄉八

古夜郎國之地按今新昌縣界有夜郎溪秦象郡之地

漢平南越置交趾郡之麋泠縣地也

麋音彌  
亦作羗

吳歸命侯

建衡三年分交趾立新昌郡陳于此置興州隋開皇十八年改為峯州大業二年州廢以縣屬交州武德四年

又置峯州兼管羈縻州二十八

州境

東西九十七里  
南北六十里

八到

北至上都六千一百五里  
北至東都五千八百四十五里

東南至安南都護府一百三十里

南至漏口江一百里

北至羈縻平南州界二百里

貢賦

開元貢  
元和貢

八蠶絲  
苴菹三千二百顆  
檳榔  
翠毛一百合  
蚶蛇膽

犀角四十斤

管縣二

嘉寧 承化

嘉寧縣

下郭下

本漢麓泠縣地也吳分其地立嘉寧縣後因之

承化縣

下東南至州五里

本麓泠縣地也天寶元年分置承化縣漢交趾麓泠女子徵側及妹徵貳反稱王伏波將軍援討平之此地也

陸州

玉山山下

開元戶一千九百三十四

鄉六

元和戶二百三十一

鄉三

本漢交趾郡地梁大同元年于郡分置黃州隋開皇十八年改為陸州以在海南有陸路通海北因以為名州在窮海不生菽粟又無絲繅惟捕海物以易衣食蓋島夷卉服之類也

州境

東西北七百里一十里  
南西北五十四里

八到

西北至上都水陸相兼六千一百二十里  
北至東都五千八百六十里

東至廉州界三百里

東北至欽州六百里

西南至安南都護府百餘里

貢賦

開元貢

玳瑁

鼈皮

甲香

管縣三

寧海 烏雷 華清

寧海縣

下郭下

本梁安海武德四年又置海平至德二年更今名

羅佩山在縣東九里其山在大海中也

烏雷縣

下西北至州一里

本在州東水路三百里總章元年置在海島中因烏雷



州為名大歷三年與州同移于安海縣理

狗理山在縣東四里

華清縣

下西至州一里

本名玉山縣天寶元年改名華清本在烏雷縣北四十里大歷三年與州同移于安海縣理南枕大海

官井山在縣東約五十里相傳越王過海泊船于此為無淡水因鑿石為井因號焉

濱州

龍下

元和戶一千四百五十  
案開元戶鄉數傳寫缺

鄉三

古南越地漢九真郡之咸驩縣地也自漢迄隋不改武

德五年于此置驩州領安人扶演相景西源四縣貞觀

元年以德州改此為演州

案前驩州欽云武德五年改日南郡為南德州貞觀元年

改為驩州據此欽武德五年置驩州貞觀元年改為演州是貞觀後之驩州即武德時之南德州而貞觀後之演州乃武德五年所置之驩州非以德州改也

當如唐書地理志云貞觀元年改名演州為是因演水

為名其州西控海當中國往林邑扶南之大路也

州境

案州境里數傳寫缺

八到

北至上都六千七百二十五里  
北至東都六千四百六十五里

東至大海六里

南至驩州一百五十里

北至愛州二百五十里

貢賦

開元貢 孔雀尾 金薄 黃屑

管縣三

忠義 懷驩 龍池

忠義縣

下郭下

本漢咸驩縣地廣德二年分置忠義縣

懷驩縣

下東至州二十四里

本漢咸驩縣武德五年分置安人縣為演州理所

案此與州

敘武德置驩州貞觀改演州之文亦未協

貞觀二十四年廢州改安人縣為

懷恩天寶二年又改為懷驩廣德二年復置演州仍移  
理忠義縣

龍池縣

下南至州二百二十里

本漢無編縣地也蓋夷獠所附免其徭役故以無編為  
名後漢省重拱二年于此置龍池縣仍于縣理立山州

廣德二年廢山州以縣屬演州

大海在縣東四里

長州 文陽下

戶六百四十八  
西北至府約一百里

附貢 金

管縣四

文陽 銅蔡 長山 其常

案舊唐書云唐置長州失起置年月天寶元年改為文陽郡乾元元年復為長州領縣四皆與州同

置此必有志文  
而傳寫缺之

郡州

案是州舊唐書不載新唐書列羈  
康州其縣有樂安與此安樂異

戶三百三十五  
西北至府約一百九十五里

附貢

白蠟二十斤 孔雀尾二具  
蚬蛇膽二枚

管縣二

郡口 安樂

諒州

案楚州舊唐書不載新唐書列羈康州  
其縣曰武興古都與此文諒長上並異

戶五百五十  
西北至府約二百五十里

附貢 白蠟二十斤

管縣二

文諒 長上

武安州 武曲

戶四百五十八  
西至府約一百八十里

附貢 朝霞布

管縣二

武安 臨江

唐林州

柔舊唐書云龍朔三年智州刺史謝法成招慰生獠昆明北樓等七千餘落總章二年置福祿

州以處之天寶元年改為福祿郡至德二年改為唐林郡乾元元年復為福祿州新唐書云福祿州本福祿郡

總章二年以故唐林州置大足元年更名安武州至德二載更郡曰唐林乾元元年復州故名據二書則元和

時名福祿州此仍作唐林未詳其故

戶三百一十七  
北至府約一千里

附貢

白蠟二十斤

管縣二

唐林 安遠



武安州

案是州舊唐書不載新唐書列羈縻州其縣三福祿柔遠康林與此扶即潭湍二縣異

戶一千二百

東至府三百二十里

附貢

翠毛二百二十合

管縣二

扶即 潭湍

貢州

案是州新舊唐書皆不載

戶三百一十八

西南至府約二百五十里

附貢

翠毛三百合

管縣二

武興

古都

唐書以此二縣隸諒州似誤



元和郡縣志卷三十八